

PRIMEIRA ADDENDA AO CONVENIO DE COLABORACIÓN ENTRE A CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES ¹ E A UNIVERSIDADE DE SANTIAGO DE COMPOSTELA (USC) PARA IMPULSAR ACCIÓNS NO CAMPUS TERRA COMO CAMPUS DE ESPECIALIZACIÓN ACREDITADO DO SISTEMA UNIVERSITARIO DE GALICIA (SUG)

Santiago de Compostela, [data/sinatura dixital]

COMPARECEN

Román Rodríguez González, conselleiro de Educación, Ciencia, Universidades e Formación Profesional (en adiante, a Consellería), nomeado mediante o Decreto 44/2024, do 14 de abril (DOG núm. 73 do 14.04.2024), de acordo co disposto no artigo 34 da Lei 1/1983, do 22 de febreiro, de normas reguladoras da Xunta e a súa Presidencia e no acordo do Consello da Xunta de Galicia do 27 de marzo de 1991, sobre convenios de cooperación con outros entes públicos e de colaboración con particulares, publicado pola Resolución da Consellería de Economía e Facenda do 8 de abril de 1991 (DOG núm. 82, do 30 de abril).

Antonio López Díaz, reitor magnífico da Universidade de Santiago de Compostela (USC), nomeado mediante o Decreto 35/2022, do 17 de marzo (DOG núm. 56, do 22 de marzo), en representación desta, en virtude das facultades que lle confire o artigo 50.1 da Lei orgánica 2/2023, do 22 de marzo, do sistema universitario.

Interveñen en función dos seus respectivos cargos e no exercicio das facultades que teñen conferidas e

EXPOÑEN

PRIMEIRO.- A Consellería regulou no ano 2019 o procedemento de acreditación dos campus de especialización do SUG, en virtude do cal, cada campus debidamente acreditado dará lugar á posibilidade de sinatura dun convenio de colaboración que contribuirá ao financiamento das actividades desenvolvidas. O procedemento

¹Na actualidade, Consellería de Educación, Ciencia, Universidades e Formación Profesional en virtude do Decreto 42/2024, do 14 de abril, polo que se establece a estrutura orgánica da Xunta de Galicia (publicado no DOG núm. 73, do 14 de abril).



mencionado estableceuse na *Orde do 10 de setembro de 2019 que regula o procedemento para a acreditación dos campus de especialización do SUG (ED442B)*, publicado no DOG núm. 177, do 18 de setembro de 2019.

O Campus Terra da USC foi o segundo, tras o Campus Industrial de Ferrol, que obtivo a acreditación como campus de especialización do Sistema Universitario de Galicia (SUG). Esta acreditación foi concedida por un período de **catro anos**, segundo quedou establecido na *Resolución do 10 de agosto de 2021 pola que se acredita o Campus Terra como campus de especialización do Sistema Universitario de Galicia (SUG), de acordo co procedemento establecido na Orde citada no parágrafo anterior*, publicada no DOG núm. 173, do 8 de setembro de 2021.

SEGUNDO.- O 6 de setembro de 2021 asinouse o Protocolo de colaboración entre a Consellería de Cultura, Educación e Universidade e a Universidade de Santiago de Compostela para establecer o sistema do seguimento do desempeño do Campus Terra como campus de especialización do Sistema Universitario de Galicia.

O 27 de xullo de 2022 formalizouse o **convenio de colaboración** entre a Consellería de Cultura, Educación, Formación Profesional e Universidades e a Universidade de Santiago de Compostela (USC) para impulsar accións no Campus Terra como campus de especialización acreditado do Sistema universitario de Galicia (SUG), para as anualidades 2022, 2023, 2024 e 2025, e que ten por obxecto o desenvolvemento de actuacións estratéxicas co fin de dotar ao Campus Terra dunha identidade propia, estreitamente ligada ás potencialidades económicas da súa contorna, así como dunha maior visibilidade que garanta o seu futuro, tanto a nivel nacional como internacional, tendo en conta o establecido na súa resolución de acreditación.

TERCEIRO.- A dotación da Consellería para este convenio foi de catro millóns setecentos oitenta e cinco euros (4.000.785,00 €), con cargo á aplicación orzamentaria 10.20.561B.744.0 (código de proxecto 2016 00129) no marco do Plan galego de financiamento universitario 2022-2026 (aprobado polo Acordo do Consello da Xunta de Galicia do 16 de decembro de 2021, DOG número 248, do 28 de decembro).

Na cláusula primeira do convenio detállanse as actuacións por anualidades e a súa distribución, que quedaron establecidas segundo se recolle no cadro seguinte:



ACTUACIÓNS	2022	2023	2024	2025	Suma €	Σ/ €
1.Gobernanza						
1.1.Implementación comisión avaliadora externas e dirección	17.700	10.700	10.700	10.700	49.800	66.800
1.2.Desprazamentos dietas comisión económico-social e conferencias temáticas	9.500	2.500	2.500	2.500	17.000	
2.Docencia e Comunicación						
2.1. Desenvolvemento novo modelo de titulacións	47.490	35.000	31.000	29.000	142.490	945.738
2.2. Mellorar a calidade docente	228.394	130.000	130.000	95.000	583.394	
2.3. Favorecer a empregabilidade	41.901	40.581	40.581	20.791	143.854	
2.4. Plan comunicación reforzo marca Campus Terra	30.000	16.000	15.000	15.000	76.000	
3.Investigación						
3.1. Reforzo estruturas investigación (novos departamentos, novos centros)	-	45.000	30.000	15.000	90.000	2.541.197
3.2. Potenciar a carreira investigadora	231.934	641.752	558.068	399.193	1.830.947	
3.3. Colaboración entre grupos e participación en redes	135.000	110.000	85.000	20.000	350.000	
3.4. Participación en proxectos internacionais	24.132	32.000	33.000	30.000	119.132	
3.5. Contratación técnico/a de Innovación e Xestión I+D+i	35.868	41.000	42.000	32.250	151.118	
4.Interacción co tecido produtivo						
4.1. Ferramenta dixital contacto único servizos e infraestruturas do Campus	8.153	8.847	4.000	4.000	25.000	441.050
4.2. Formación continua sector produtivo	3.800	4.000	4.000	2.000	13.800	
4.3. Impulso plataformas tecnolóxicas	27.300	24.000	24.000	15.000	90.300	
4.4. Programas de valorización e protección de resultados	600	22.100	22.100	21.900	66.700	
4.5. Actividades de transferencia innovación	29.144	25.000	24.000	18.000	96.144	
4.6. Contratación técnico/a de Transferencia	33.856	41.000	42.000	32.250	149.106	
5.Información pública e transparencia						
5.2. Informe anual e estudo impacto entorno	1.500	1.500	1.500	1.500	6.000	6.000
TOTAIS	906.272	1.230.980	1.099.449	764.084		4.000.785



CUARTA.- Tras unha análise dos gastos efectuados nos anos 2022 e 2023, a USC solicita poder facer algunhas modificacións –para a anualidade 2024– que non implican movementos entre as distintas dimensións e manteñen a cantidade do cómputo anual para 2024, que está establecida en 1.099.449 €. As modificacións afectarían as seguintes actuacións: 2. Docencia e Comunicación, 3. Investigación e 4. Interacción co tecido produtivo.

O 20 de febreiro de 2024 reuniuse a comisión de seguimento establecida na cláusula sétima do convenio e acordouse que a dirección do Campus Terra entregará unha proposta de modificación do convenio.

O 1 de marzo de 2024, o reitor da USC presenta a través de REXEL unha proposta de modificación do convenio, derivada do proceso de implementación e desenvolvemento das actuacións previstas neste, considerándose imprescindibles para dar cumprimento ás liñas estratéxicas de investigación do Campus Terra.

QUINTO.- As actuacións enmárcanse na RIS3 de Galicia 2021-2027, respondendo aos retos 1 (modelo de xestión de recursos naturais e culturais baseados na innovación) e 3 (modelo de vida saudable baseado no envellecemento activo da poboación), e ás tres prioridades. Atenden ao obxectivo estratéxico 1, que busca acadar un ecosistema máis aberto e integrado, facilitando a colaboración e o aliñamento coa especialización de Galicia, integrándose, polo tanto, no programa Integra.

En consideración ao exposto anteriormente, as partes asinantes acordan celebrar a presente addenda que se rexerá polas seguintes

CLÁUSULAS

PRIMEIRA.- Obxecto

A presente addenda ao convenio de colaboración entre a Consellería de Cultura, Educación, Formación Profesional e Universidades (actualmente, Consellería de Educación, Ciencia, Universidades e Formación Profesional) e a Universidade de Santiago de Compostela (USC) para impulsar accións no Campus Terra como campus de especialización acreditado do sistema universitario de Galicia (SUG) ten por



obxecto facer algunhas modificacións, para a anualidade 2024, que non implican movementos entre as distintas dimensións e manteñen a cantidade do cómputo anual para 2024, que está establecida en 1.099.449 €.

Todas as actuacións do Campus Terra e as modificacións incluídas nesta addenda desenvolveranse no marco das liñas de especialización polas que se outorgou a acreditación: Producción Vexetal e Agricultura Sostible, Producción e Saúde Animal Sostibles, Alimentación Segura e Saudable e Xestión Forestal Sostible, sendo liñas transversais: as tecnoloxías facilitadoras, ómicas e TICS, cambio climático e biodiversidade e infraestruturas verdes.

As modificacións afectarían as seguintes actuacións: 2. Docencia e Comunicación, 3. Investigación e 4. Interacción co tecido produtivo:

Actuación 2. Docencia e Comunicación

Nesta dimensión o importe presupostado para o punto 2.4. Comunicación (15.000 €) é insuficiente xa que, ao comparar con anos anteriores, o gasto ascende a un importe de case 30.000 €, sen contar con que no último trimestre deste último ano comezáronse a implementar novas redes sociais (Tik-Tok, Linkedin, Plataforma Innova Campo Galego), iniciouse un blogue Campus Terra, así como unha Newsletter mensual. Todo iso, fai que o orzamento para 2024 teña uns gastos fixos de, polo menos, 34.800 €.

Por este motivo, propónse reforzar este apartado, detraendo 11.000 € do epígrafe Equipamentos Docentes do apartado 2.2. Mellorar a calidade da docencia, conforme á seguinte táboa:

2 DIMENSIÓN DOCENCIA E COMUNICACIÓN 2024				
		Previsto no convenio	Proposto	Variación
2.1	Desenvolvemento novo modelo Titulacións Campus Terra			
	Estratexia titulacións	20.000€	20.000€	0€
	Novos máster	5.000€	5.000€	0€
	Formación continua alumnado (postgrao)	6.000€	6.000€	0€
2.2	Mellorar a calidade da docencia			
	Formación profesorado	8.000€	8.000€	0€
	Equipamentos docentes	101.000€	90.000€	-11.000€
	Seminarios impartidos por persoal experto do sector produtivo	6.000€	6.000€	0€
	Selos de calidade	15.000€	15.000€	0€
2.3	Favorecer a empregabilidade			
	Formación transversal alumnado	9.000€	9.000€	0€
	Programa prácticas no rural	31.581€	31.581€	0€
2.4	Desenvolver un plan de comunicación reforzo da marca Campus Terra			



	Plan de Comunicación	15.000€	26.000€	+11.000€
TOTAIS		216.581€	216.581€	0€

Actuación 3. Dimensión Investigación

- Redución de custos:

No apartado 3.1. Novas estruturas para fortalecer a Investigación, propoñíase crear e manter novos departamentos no Campus Terra, pero o contexto normativo vixente atópase nun intre de redefinición dos departamentos universitarios, por iso non parece axeitado abordar esta actuación en tanto non se definan claramente os criterios que deben acompañar á creación, modificación ou supresión destas unidades. Entre tanto, pode levarse a cabo un estudo de estado da situación e futuras actuacións en canto a deficiencia de departamentos en determinadas Áreas do Campus Terra, para o cal destinaríanse 10.000 €, quedando un excedente de **20.000 €**.

No subapartado "Reforzo programas doutorais" do apartado 3.2. Potenciar a carreira investigadora, non é preciso acometer o gasto de **5.000 €** xa que deste reforzo encárgase, a nivel institucional, a Escola de Doutoramento Internacional da USC (EDIUS).

Por outro lado, hai que ter en conta que no ano 2024 os custes salariais das distintas persoas contratadas experimentaron as subidas consecuentes aos acordos aplicables nas administracións públicas. Para axudar a compensar o incremento do salario do persoal investigador e técnico contratado, propónse reducir a asignación económica do subapartado "Participación en redes internacionais e mobilidade" do apartado 3.3. Potenciar a colaboración entre grupos e participación en redes en **10.387 €** e reducir o presuposto das "Candidaturas Horizonte EU" do apartado 3.4. Participar en proxectos internacionais en **16.500 €**.

- Incremento razoado de custos:

O Conxunto das minoracións anteriormente descritas suman **51.887 €**, que se reverterían nos apartados que se describen a continuación:

3.1. Proposta de creación dun instituto ou centro de excelencia: En 2023 iniciáronse os traballos de creación dun novo instituto/centro de referencia no Campus, traballando a nivel interno e contando co asesoramento da Comisión Científica Externa. Unha vez definido o ámbito de traballo de dito centro, neste ano 2024 deberase realizar unha proposta que inclúa toda aquela información e



documentación que require a creación dun centro deste tipo, para o cal se necesita contar cun presuposto duns **5.000 euros**.

3.2. Carreira Investigadora. Para compensar o incremento dos custos salariais de predoutorais, así como o custo do complemento en base a resultados das tres persoas investigadoras Ramón y Cajal, precísanse **31.387 euros** adicionais ao estimado no convenio para 2024. Tamén se necesitan **8.000 euros** a maiores para financiar as dúas estadias de dous contratados/as predoutorais de 2022 que a pospuxeron para 2024.

3.5 Contratación Técnico/a Superior de Innovación e Xestión I+D+i. O custe deste persoal técnico en 2024, acorde coa normativa laboral da USC, estímase que ascenderá a 49.500 € en 2024, polo que se precisan **7.500 €** a maiores da cifra asignada.

Tendo en conta as reducións e incrementos razoados de custos expostos neste apartado, propónse a modificación do presuposto para a dimensión 3 conforme á seguinte táboa:

3	DIMENSIÓN INVESTIGACIÓN	No.	2024	2024	Variación
			Previsto no convenio	Proposto	
3.1 Novas estruturas para fortalecer a Investigación					
	Novas estruturas departamentais		30.000€	10.000€	-20.000€
	Proposta de creación dun instituto ou centro de excelencia		-	5.000€	+5.000€
3.2 Potenciar a carreira investigadora/relevo xeracional					
	Bolsas/contratos de Iniciación Investigación*	27	69.368€	69.368€	0€
	Predoutorais (2022)	6	139.500€	144.244€	+4.744€
	Predoutorais (2023)	6	139.500€	145.143€	+5.643€
	Posdoutorais (2022)	4	140.000€	140.000€	0€
	Suplementos Ramón y Cajal (17.000€/ano, máis Seguridade Social)	3	34.000€	55.000€	+21.000€
	Estadias predoutorais	8	24.000€	32.000€	+8.000€
	Custos inicio actividade posdoutorais	4	-	-	-
	Formación transversal, mentorización, Agromar. Congreso investigadores mozos/as.		6.700€	6.700€	0€
	Reforzo programas doutorais		5.000€	0€	-5.000€
3.3 Potenciar a colaboración entre grupos e participación en redes					
	Proxectos colaborativos		65.000€	65.000€	0€
	Participación en redes internacionais e mobilidade		20.000€	9.613€	-10.387€
3.4 Participar en proxectos internacionais					
	Candidaturas Horizonte EU		33.000€	16.500€	-16.500€
3.5 Contratación persoal					



	Contratación Técnico/a Superior de Innovación e Xestión I+D+i		42.000€	49.500€	+7.500€
TOTAIS			748.068€	748.068€	0€

Actuación 4. Interacción co tecido produtivo

Nesta dimensión solicítase transvasar 6.000 € do apartado 4.5. Actividades de transferencia e Innovación ao apartado 4.6. Contratación de persoal para compensar o incremento dos custos salariais en 2024:

4 DIMENSIÓN INTERACCIÓN TECIDO PRODUCTIVO 2024				
		Previsto no convenio	Proposto	Variación
4.1	Carteira de servizos e infraestruturas do Campus Terra (PICTERRA)			
	Ferramenta dixital contacto único	4.000€	4.000€	0€
4.2	Formación a demanda para profesionais dos sectores produtivos			
	Formación sector produtivo	4.000€	4.000€	0€
4.3	Impulso das plataformas tecnolóxicas do Campus Terra			
	Impulso plataformas	24.000€	24.000€	0€
4.4	Programas de valorización e protección de resultados de investigación			
	Xornadas formativas temáticas sobre protección e valorización de resultados	600€	600€	0€
	Programas proba-concepto	21.500€	21.500€	0€
4.5	Actividades de transferencia e innovación			
	Xornadas sectoriais Universidade-Empresa e programas/eventos de emprendemento	24.000€	18.000€	-6.000€
4.6	Contratación personal			
	Técnico/a superior de xestión en transferencia e emprendemento	42.000€	48.000€	+6.000€
TOTAIS		120.100€	120.100€	0€

SEGUNDA.- Orzamento

A dotación para esta addenda non supón alteración algunha do establecido no convenio do que trae causa, sendo esta de 4.000.785 €, con cargo á aplicación orzamentaria 10.03.561B.744.0 (código de proxecto 2016 00129) no marco do Plan galego de financiamento universitario 2022-2026 (aprobado polo Acordo do Consello da Xunta de Galicia do 16 de decembro de 2021, DOG número 248, do 28 de decembro).

A distribución dos importes, conforme ao recollido na cláusula primeira, quedará establecida como segue:



ACTUACIÓNS	2022	2023	2024	2025	Suma €	Σ/Dimen. €
1.Gobernanza						
	2022	2023	2024	2025	Suma €	
1.1. Implementación Comisión Avaliadora Externas e Dirección	17.700	10.700	10.700	10.700	49.800	66.800
1.2. Desprazamentos dietas Comisión Económico-Social e conferencias temáticas	9.500	2.500	2.500	2.500	17.000	
	27.200	13.200	13.200	13.200	66.800	
2.Docencia e Comunicación						
	2022	2023	2024	2025	Suma €	
2.1. Desenvolvemento novo modelo de titulacións	47.490	35.000	31.000	29.000	142.490	945.738
2.2. Mellorar a calidade docente	228.394	130.000	119.000	95.000	572.394	
2.3. Favorecer a empregabilidade	41.901	40.581	40.581	20.791	143.854	
2.4. Plan comunicación reforzo marca Campus Terra	30.000	16.000	26.000	15.000	87.000	
	347.785	221.581	216.581	159.791	945.738	
3.Investigación						
	2022	2023	2024	2025	Suma €	
3.1. Reforzo estruturas investigación (novos departamentos, novos centros)	-	45.000	15.000	15.000	75.000	2.541.197
3.2. Potenciar a carreira investigadora	231.934	641.752	592.455	399.193	1.865.334	
3.3. Colaboración entre grupos e participación en redes	135.000	110.000	74.613	20.000	339.613	
3.4. Participación en proxectos internacionais	24.132	32.000	16.500	30.000	102.632	
3.5. Contratación técnico/a de Innovación e Xestión I+D+i	35.868	41.000	49.500	32.250	158.618	
	426.934	869.752	748.068	496.443	2.541.197	
4.Interacción co tecido produtivo						
	2022	2023	2024	2025	Suma €	
4.1. Ferramenta dixital contacto único servizos e infraestruturas do Campus	8.153	8.847	4.000	4.000	25.000	441.050
4.2. Formación continua sector produtivo	3.800	4.000	4.000	2.000	13.800	
4.3. Impulso plataformas tecnolóxicas	27.300	24.000	24.000	15.000	90.300	
4.4. Programas de valorización e protección de resultados	600	22.100	22.100	21.900	66.700	
4.5. Actividades de transferencia innovación	29.144	25.000	18.000	18.000	90.144	
4.6. Contratación técnico/a de Transferencia	33.856	41.000	48.000	32.250	155.106	
	102.853	124.947	120.100	93.150	441.050	
5.Información pública e transparencia						
	2022	2023	2024	2025	Suma €	
5.2. Informe anual e estudo impacto entorno	1.500	1.500	1.500	1.500	6.000	6.000
TOTAIS	906.272	1.230.980	1.099.449	764.084	4.000.785	4.000.785

TERCEIRA.- Modificación do convenio

Consonte ao disposto no artigo 17.4 da Lei 9/2007, do 13 de xuño, de subvencións de Galicia, toda alteración das condicións tidas en conta para a concesión da subvención poderá dar lugar á modificación do convenio.

Así mesmo, de acordo co artigo 49.g da lei 40/2015, do 1 de outubro, de réxime xurídico do sector público, a falta de regulación expresa, a modificación do convenio requirirá acordo unánime das partes asinantes. Ao amparo deste artigo, a cláusula sétima do convenio crea unha comisión de seguimento para o coñecemento de calquera cuestión sobre a súa interpretación, modificación, resolución ou efectos deste que poidan xurdir.



Polo anterior exposto, e tal como se sinala na cláusula cuarta da parte expositiva desta Addenda, acéptase a proposta da USC, e, dado que isto non supón incremento de gasto nin de anualidades de execución, por acordo unánime entre as partes decídese modificar o convenio.

Por outra banda, de conformidade co disposto no artigo 31.4 da Lei 14/2013, do 26 de decembro, de racionalización do sector público autonómico, os convenios subscritos pola Administración xeral da Comunidade Autónoma e as entidades instrumentais do sector público autonómico poderán ser obxecto de modificación cando teñan como finalidade o logro dos obxectivos de estabilidade orzamentaria e sustentabilidade financeira. Ditas modificacións terán por obxecto a redución do volume das obrigas ou a ampliación do seu prazo de execución.

CUARTA.- Condicións

A presente addenda supón facer algunhas modificacións, para a anualidade 2024, que non implican movementos entre as distintas dimensións e manteñen a cantidade do cómputo anual para 2024 que está establecida en 1.099.449 €.

A USC comprométese a facilitar cantos datos resulten necesarios para a valoración do instrumento no marco da avaliación da RIS3 Galicia ou doutros mecanismos, en particular as enquisas do INE, relacionados coa medición da I+D+i. Os datos asignados aos citados instrumentos de avaliación deberán estar consignados á Comunidade Autónoma de Galicia. No marco de seguimento e avaliación da RIS3 Galicia desenvolverase un seguimento específico das axudas concedidas. Este seguimento estará baseado na recompilación de información acerca dos resultados económicos e científico-técnicos obtidos polas entidades beneficiarias. A tales efectos, durante a execución e ao finalizar a axuda (expost), as entidades beneficiarias deberán proporcionar información relativa a unha serie de indicadores, entre os que se incluírán indicadores xerais e específicos de I+D+i.

De non facilitar cantos datos resulten necesarios para o seguimento e a avaliación do instrumento no marco da avaliación da RIS3 Galicia ou doutros instrumentos relacionados coa medición da innovación, isto será causa de reintegro de ata o 1 % da subvención concedida.

A sinatura desta addenda non afecta nin á contía total (4.000.785 €) nin á vixencia do convenio (31 de decembro de 2025).

Esta addenda rexerese polas condicións estipuladas no convenio do que trae causa, formando parte integrante del.

A presente addenda réxese en canto a súa interpretación e desenvolvemento polo ordenamento xurídico administrativo, con expresa submisión das partes á xurisdición contencioso-administrativa, nos termos que se establecen no artigo 47 e seguintes da Lei 40/2015, do 1 de outubro, de réxime xurídico do sector público.



De acordo co establecido no artigo 53 da dita lei, esta addenda deberá ser remitida ao Consello de Contas nos termos que neste se establecen.

Lido por todas as partes, por si mesmas, e como proba de conformidade co expresado, asinan dixitalmente a presente addenda

Román Rodríguez González
Conselleiro de Educación, Ciencia, Universidades e Formación Profesional

Antonio López Díaz
Reitor da Universidade de Santiago de Compostela (USC)

